

酒巖

酒池為所傾酒巖何為洩斯跡顧云義佐須投栢葉  
乘碧亭

江色涵澄碧烟槎架浪浮登龍豁巨眼三醉洞庭秋

挹瀨樓

萬頃泛江沱層樓浮碧波端供雲烟接清光散綠柯

白銀灘

茫茫浩江波翻空白如銀獨有滄浪叟貪心付斯津

麒麟窟

麒麟何所有此窟藏麒麟當時廐馬名遺跡傳今人

朝天石

當年馬跡存古石猶不去風度琅玕聲渾似鳴鸞處

井田

生平慕周官此地如周制幽幽城南間規畫猶不廢

乙密臺

躋眺美斯臺瑤草自叢密卜築峰之顛幽然接瓊室

文廟

駐節參文廟鱗衣映泗波東藩崇教祀應識聖恩多

箕子墓

道骨埋荒塚寒泉繞石臺松風清夜響應識度魂來

檀君祠

神宇覆松蘿修誠祀藩祖肇彼唐堯時此君始  
箕子祠

東國仰封澤春秋享牢豕外王八條治內聖九

東明王祠

吊古一登臺東明逝已久初生此邦民宜酌延  
快哉亭

登臨恍塵外猶似洞天來壯景不能悉乾坤一

華宮

水色分明濯錦江誰將匹練繫虛艫仙人黃鶴

許野老白鷗空自雙漁笛一聲歸極浦風帆下  
晴窓皇家慶澤寬如海頻送恩波及遠邦

平壤志七

平壤志八

詩

練光亭

薛廷寵

練光亭下大同江落日江頭放釣艘翠嶺倒流還疊  
疊黃鶯隔岸自雙雙光搖河漢采浮棟波隱魚龍欲  
動窓林館樓臺多氣色天涯猶見此名邦

大同江舟中

林亨秀

江上東風送畫船隱天蕭鼓起龍眠樓臺十里開靈  
境珠翠千行逐水仙客裏光陰愁欲老天涯詩酒興  
相牽憑君莫說興亡事東海桑田問幾遷

水拍長干繫綵船  
笛聲驚鷺破白鷗  
眠關西老將心先  
醉漢北遊人骨欲  
仙刺有歡情窮踐勝  
幾回歸袂動  
遭牽江山如許終  
陳迹須向高樓席更遷

蘇世讓

申光漢

大同江上泛樓船  
誰遣紅粧對醉眠  
還有世間如此地  
若非蓬島是何仙  
撐篙莫教羅裙濕  
緩棹猶須錦纜牽  
追憶舊遊還似夢  
白頭空歎歲時遷

崔演

半日留連倚畫船  
遠簫長笛起鷗眠  
樽開琥珀香如

海人在蓬瀛  
望若仙陶寫風懷  
詩興動驅除羈恨  
酒情牽明朝此會  
成陳迹  
世事從來易變遷

嚴昕

清江鼓角擁樓船  
徹骨清風冷不眠  
遠客自傷頻節序  
傍人却訝是神仙  
長吟苦被詩情惱  
欲去還遭酒興牽  
落日前峯無限好  
何妨隨處座成遷

浮碧樓

極目長洲草色青  
烟波無限故鄉情  
朝天石在人何處  
浮碧樓空月獨明  
故國千年離黍恨  
江城一曲落梅聲  
憑欄不用頻懷古  
愁緒多端種種生

斷逕斜連鐵壁青倦遊憐我十年情微茫遠水鷗邊  
淨縹緲遙岑鳥外明渡口雲橫朝暮態城頭潮打古  
今聲興亡滾滾憑誰問醉後無端感慨生

蘇世讓

申光漢

江水悠悠江草青登臨二十九年情春坊舊曲聞麗  
代古寺微鐘記永明帆映遠山歸極浦浪衝危石送  
寒聲繡峯羅鳥華奢地開到繁春意自生

崔演

極目郊原盡放青登樓隨處有詩情千尋疊嶂抽莖

立萬斛方舟盡鷁明烟簾柳絲縈舞袖風傳灘響雜  
歌聲百年興廢還多感忽覺新愁為暗生

林亨秀

萬頃澄波一望青孤舟芳草感離情荒苔謾合麒麟  
綠片月長臨錦繡明楊柳風烟迷酒旆樓臺絃管雜  
江聲汀洲日暮鳥飛盡野渡無人潮自生  
雲霞萬古永明寺風月千秋浮碧樓百變興亡問無  
處一區山水擬丹邱烟花况復逢佳節詩酒何妨作  
勝遊日落滄洲須秉燭比身元自等浮漚

蘇世讓

山勢盤迴樹影稠烟雲千古護江樓桃花浪漲環孤  
嶼楊柳陰多隔斷邱仙子有時吹笛過美人何處惜  
春遊天涯悵望芳菲節始覺羈蹤水上漚

長江不盡水悠悠白首重來更倚樓今日風流還入  
眼昔年羅綺已成邱聊憑從事吟新句欲向丁仙說  
舊遊城郭不殊人事異存亡須信海中漚無示迎慰使丁公

崔演

懷鄉戀闕意悠悠遠客尋春上畫樓不改江山成  
萬古多情雲物勝三邱地分淨界留清賞天與高人  
辦壯遊佳會明朝忙聚散謾悲身世似浮漚

嚴旂

長安南望路悠悠遠客多情久倚樓三月烟花渾異  
境百年征戰但荒邱風流落魄繁華地笙鶴依稀汗  
漫遊千里相逢還此別眼着身世一浮漚

練光亭

鄭士龍

萬象供奇集座隅天公餉我百年無輕雷忽送風和  
雨更借營邱水墨圖

普通院

西行遙邁北來迂恨水橫分大小殊萬古箕都離別  
苦二流如帶與之俱

閱雲亭

青林粉堞浸平潮勝士聯倫古亦無當日分留多物

色夢中春草興難孤揚士彥揚士俊  
連除大同寮訪

牧丹峯

萬仞層巔乙密臺其將謝屐躡崖苔平看亂樹千家

暮俯視長洲一帶回浩浩襟闕巖處大茫茫興廢眼

中來深林雄辯商今古不覺心骨頓豁開

詠歸樓

柳陰江路撲綿飛乘興登樓俯碧漪潮近海來沉別

浦雨拖虹過灑餘絲風尖透幌消殘醉水氣欺人引

滿庖好古儒仙尋九一却叅形制得歸遲

快哉亭

龔用卿

快哉亭近碧山頭浪跡于今說勝遊極目蒹葭滿城

郭可人烟水傍林邱新蒲出水直如劍初月懸雲曲

似鈞歌罷仙瓊春露冷一聲歸鶴過江洲

薛廷寵

即着青杏結枝頭荏苒風光過江遊應有歸心懸鳳

闕暫拚詩興傍雲邱江門烟景浮青舫燕子簾籠捲

玉鈎初日錦袍乘一快他時夢落舊滄洲

鄭士龍

平壤志  
俯瞰魚鱗萬屋頭層霄嘯傲倚天遊陶雲捲弄橫拖  
出謝練微茫曲抱邱荷蓋媚晴鋪鏡面槐陰分綠八  
簾鈎亭顏得快遮樓堞不放吟眸眺遠洲

李希輔

突兀華亭碧樹頭清陰招我暫來遊千年古國餘殘  
堞什一遺基只古邱大野長江輸酒興落霞孤鶩搃  
詩鈎斜陽遠眺真成快芳草青連白鷺洲

趙仁奎

紅亭縹緲控城頭滿眼烟雲媚勝遊步遠直當凌鶴  
背乘風終欲到蓬邱夢因懷古頓移枕簾為着山屢

上鈎平楚斜陽連十里迢迢歸思遠長洲

洪春卿

畫拱翬飛古郭頭碧城如倚曲檻遊樽開竹葉香侵  
座風落楊花雪滿邱惱客野堂憎似錦窺窓破月愛  
如鈎沮江西望微茫外鳥沒青山浪沒洲

朴忠元

華構平臨沮水頭曾隨仙侶極遨遊庭槐迎夏陰當  
戶野麥宜秋浪沒邱驚座談鋒霏玉屑絕倫書法照  
銀鈎眼前風物猶清快笙鶴茫茫隔十洲

次大同館韻

華察

聖王御極元無外四海車書捲一家已見烽烟銷戍  
壘更聞聲教暨流沙江頭節使頻相送天上恩波正  
未涯遙望翠華應返蹕夜來燈火喜生花

王欲誕遊方絳節出平壤華轍交平沙鏘鑿振清響  
元良始正位萬國並延賞益道本無方推恩運諸掌  
東土正陽回春風屆寒徃百卉枯復榮山林蕭以爽  
物理數改移化工亦勞攘激石流清江依巖過清舫  
武陵津可問瀛洲路非枉日月麗宮明亭宇豁弘敞  
高情落雲漢壯志闢林莽訪古興未畢登高意以廣  
朝鮮覓箕封蓬島窺方丈萬像何森嚴三光盡昭晃

徘徊啓天達偃仰忘世網回首望中華尊王起遐想  
海濱有遺賢披榛試探訪地僻風景殊雲動天光漾  
再陟乙密臺擬揭清虛榜幻化本虛無陰陽定消長  
及時預有為慕古將安傲長嘯延風流擊節歌慨慷  
王孫飲來宣士女封羊餉言語非支離衣冠亦高朗  
六合同一家率土皆吾黨

德巖

中流砥柱江水還自東搃謂瞻依地寧知固國功

酒巖

山鳥逐人飛山花行處有醉心更盤桓不為巖中酒

白銀灘

銀漢本天上人間灘亦銀離離德星聚恍忽到天津

錦繡山

山花向春榮山色麗如繡寄語葛荒者斧斤毋早晝

乙密臺

烟霞百尺臺東土小蓬萊仙人何處在千古不歸來

牧丹峰

南有芙蓉峰更見牧丹朵雲間入望來為爾一停舸

浮碧樓

寒江落空碧應是昆明水高樓俯清流雲影天光裏

練光亭

晴光幾十里危亭落淨川忽聞環珮響疑有凌波仙

并田遺制

我聞千載上仁政九區中東土存遺制依然三代風

朝天石

平壤有奇峰巖巖出林背迎風鼓清音應是朝天佩

風月樓

畫棟憑虛空瑤池水清淺薰風天上来涼月出東巘

麒麟窟

德教要荒外流洋江水濱聖人在中國無地不麒麟

綾羅島

危崖掛倚樹身啄露盤水雲靄半翠微相將結羅綺  
快哉亭

壯志天邊客快心江上亭披襟一長嘯月白與風清  
大同江

江水出崑崙雲光湯盪清碧川流本無心千古自潮汐  
挹灝樓

江樓試覽眺江水何灑灑一鶴橫霄來乘風下別島  
檀君祠

檀君昔分土東方聿胥宇永垂開國勳百世稱宗祖

箕子墓

春茹封青苔短碣倚荒臺九原如可作清風百世來  
箕子祠

敬瞻百世師如在吾左右忽憶殷三仁臨風再醜酒  
東明王祠

朝鮮本舊封中興自平壤所以東明王千載專蒸享  
用大同館韻

薛廷罷

使車萬里來茲土湖海襟期即當家吊古訪幽行半  
嶺登城觀射到平沙未酬詩債留歸日無數風光僻  
水涯為報南薰能愛客芰荷開放映洲花

平壤志ノ  
九  
德巖

大同直下鯨波吼巨壁當流障去東一柱乾坤開闢  
宅龍門不用八年功

酒巖

天上酒星地酒泉酒巖之說其或有當年若遇李謫  
仙不用金龜解沽酒

白銀灘

清波白石江心麗斗轉河斜浸素銀却恠桃花貪出  
洞翻翻江雨欲迷津

錦繡山

天然翠黛芙蓉姿可柰春葩更錦繡紫霞紅日照波  
明水府鮫人躍清晝

乙密臺

露冷天高月滿臺海中何處望蓬萊相傳浪說仙人  
迹不見仙人跨海來

牧丹峰

姚黃魏紫休爭春秀出雲間竒朶朶妬遊風雨莫頻  
來有客黃州泛仙舸

浮碧樓

江帶天光俱入樓客在樓中坐江水虛疑海上蜃氣

昇更恐身在蓬瀛裏

練光亭

天畔高亭近碧落  
銀河瀉練浮晴川  
五更月微牛女會  
恍疑人世隣神仙

井田遺制

朝鮮元是商周國  
畫野分明井地中  
我亦過滕無適魯  
荒區無處問遺風

朝天石

平臨北斗近洞霄  
稽首玉皇俯鰲背  
欲上峰頭望五雲  
承明恍惚歸星佩

風月樓

清風到樓樓上涼  
明月浸池池水淺  
客來坐撫南薰琴  
鈎簾八月對東巖

麒麟窟

當年東野柴車載  
浹落宣尼泗水濱  
神物正然人世見  
海隅何處有麒麟

綾羅島

鮫人誤落絳霞綃  
散作綾羅照江水  
多情文彩雙鴛鴦  
鴛日日沙頭弄春綺

快哉亭

平壤志八

何處能逢開口笑大同城內快哉亭長江一帶明如  
練况值風烟四月清

大同江

城南小亭正練光城北危樓更浮碧孤舟來往者何  
人江聲日夜奔潮汐

挹灝樓

東人愛水隨處樓浮碧練光更挹灝吾聞仙人好居  
樓不知曾否來三島

檀君祠

檀君血食綿東土松木森森蔭祠宇三韓五都何紛

紛此是朝鮮第一祖

箕子墓

一種青山翳綠苔路人指點最高臺云是商家箕子  
墓使車迢遞上山來

箕子祠

江城吊古訪箕祠下馬踟躕循階右松風忽忽作琴  
聲怨恨分明語池酒

東明王祠

高麗開國東明王澤被東黎保封壤溪毛澗藻走傍  
人知甬神靈永綏享

平塚志 十二  
德巖

天崩河水漏淋蕩迷西方中流砥柱有奇功  
酒巖

仙人鍊金丹羽化無何有鷄犬盡飛昇何獨遺酒巖  
白銀灘

涉灘聽灘瀨灘名白銀我家鶴灘上來此問迷津

錦繡山

春山披草木一望皆錦繡不怨秋雨來但願長清晝  
乙密臺

仙人駕鶴去乙密夕蕪菜風送長松影如疑人迹來

牧丹峯

巉峰鬱岫聳天葩秀竒朶下映芙蓉花蕩搖在江舸  
浮碧樓

葱蒨萬疊山玻璃一片水水影漾山光盡八層樓裏

練光亭

練光亭上作滿壁映長川解道澄江句令人憶謝仙  
井田遺制

私田環其外公田在其中公私各有界何事有貧風

朝天石

跨石握麟鬚何如騎鶴背朝天萬國心長想凌風佩